



SAOPĆENJE ZA JAVNOST

Zbog neovlaštenog snimanja Osuđeni na tri i po mjeseca zatvora

Brčko, 25.4.2024. godine

Tužilaštvo Brčko distrikta BiH dokazalo je krivicu dvojice muškaraca, optuženih da su 2020. godine u Brčkom vršili neovlašteno optičko snimanje intimnog odnosa duševno zaostale osobe i njegove partnerice. Za neovlašteno snimanje njihovog seksualnog čina i distribuciju snimka, oni su pred Osnovnim sudom u Brčkom nepravosnažno osuđeni na ukupno tri i po mjeseca zatvora.

Tužilaštvo Distrikta procesuiralo je G. L* (39) i A. R.* (32), jer su 2020. godine u stanu u kojem s partnericom živi N. S, osoba zaostalog psihičkog razvoja, upotrebom mobilnog telefona, bez njihovog pristanka, snimili njihov seksualni čin. Kako se navodi u optužnici, optuženi su ih upućivali na način na koji će imati polni odnos, govoreći im da se opuste, istovremeno ih ismijavajući i izvrgavajući ruglu. Nakon snimanja N. S. i njegove partnerice, koja se inače brine o njemu kao osobi koja nije sposobna da brani svoja prava i interese, optuženi su otišli iz stana, a zatim su cjelokupan snimak učinili dostupnim većem broju osoba. Oni su kao saizvršioци filmski snimili druge osobe bez njihovog pristanka u njihovim prostorijama i takav snimak neposredno prenijeli trećim osobama - zaključeno je u optužnici.

Intenzivno postupajući na rješavanju slučaja, Tužilaštvo je u saradnji s Policijom distrikta Brčko, odmah otkrilo i privelo osumnjičene, te sprovelo istragu nakon čega je protiv njih ubrzo podiglo optužnicu za krivično djelo Neovlašteno optičko snimanje (*iz člana 186 stav 1 Krivičnog zakona Brčko distrikta BiH*). Pošto je potvrdio optužnicu, Osnovni sud distrikta Brčko otvorio je glavni pretres tokom kojeg su Tužilaštvo i optuženi zaključili sporazume o priznanju krivice. Sud je zatim donio nepravosnažne osuđujuće presude izrekavši A. R. kaznu zatvora od dva mjeseca, dok je optuženog G. L. osudio na kaznu zatvora od mjesec i 15 dana. Izuzev na odluku o krivičnoj sankciji, stranke u postupku ovu presudu mogu pobijati žalbom.

*Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.

GLAVNI TUŽILAC
ZEKERIJA MUJKANović